



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 112. Chefdevillii propositiones censuris perstrictæ.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI
A. C. 1557
maticam Græcam, necnon pro addi-
scendis linguis Orientalibus perfacilem
Methodum, quæ a Viris eruditis plu-
rimi habetur.

§. CXII.

*Chefdevilli propositiones censuris
perstrictæ.*

*Argentre
Collect. jud,
tom. 2.
p. 179.
& seq.*

Eodem anno Domini millesimo quin-
gentesimo quinquagesimo septimo
Parisiensis Facultas Theologica habito
Sorbonæ conventu die duodecima Men-
sis Augusti feria quinta quinquaginta
quatuor propositiones damnabat, quas
ab Archiepiscopo Burdegalensi ad Fa-
cultatem transmissas Frater Alanus
Chefdevillus ex Ordine Eremitarum
S. Augustini ad populum dicebat. Ha-
rum prima sequentis erat tenoris. *Ver-
bum Dei est datum, ut ponat inimicitias inter ho-
mines etiam propinquos.* II. „Omnes cujus-
„cunque status homines absque ullo di-
„scrimine passim Evangelium prædi-
„care, & annuntiare valent. III. Hæc
„Christi Domini Verba apud D. Mat-
„thæum cap. 18. *Dic Ecclesiæ:* de quo-
„libet fidelium cœtu intelligenda sunt.
„IV. Ecclesia est electorum cœtus.
„V. Excommunicatio ob levem causam
„lata potius est benedictio, quam ana-
„thema. VI. Si quis Ecclesiam ingres-
„sus genua flectit, ac sese lustrali aqua
asper-

„aspergit, pro virtutis studio habetur: **Sæcul. XVI.**
 „si vero id facere negligit, tanquam **A. C. 1557.**
 „impius redarguitur. VII. Habetur
 „quis pro Sancto, si tribus, vel qua-
 „tuor horis ante quampiam imaginem
 „preces fundit. VIII. Episcoporum de-
 „creta, quorum transgressores hodie
 „carceris, vel etiam quandoque mortis
 „pœna plectuntur, recta Dei præceptis
 „adversantur. IX. promiscuus omnium
 „ciborum usus omni tempore licitus est.
 „X. Hic Concionator, dum ad Sancto-
 „rum, quos imagines repræsentant,
 „imitationem hortabatur, studiose ni-
 „hil locutus est de cultu ipsis debito.
 „XI. Carceris, vel exilii timor a Su-
 „perioribus injectus plures ab annun-
 „tianda Evangelii veritate retrahit.
 „XII. Omnibus illis, qui se continere
 „nequeunt, Matrimonium est permis-
 „sum, ac necessarium XIII. Homo ex
 „naturæ suæ genio ad superstitionem,
 „& impietatem propensus est: item
 „actio generationis non est secundum
 „carnem. XIV. Cum Christus Domi-
 „nus sit propitiatio pro peccatis no-
 „stris, oblationes nihil profunt. XV.
 „Laudabile est, bona temporalia dare
 „Ecclesiæ Ministris, dummodo in suis
 „moribus, & doctrina innoxii sint.
 „XVI. Dei cognitio aliter, quam per
 „ejus Verbum, & Evangelium haberi

Sæcul. XVI.
A.C. 1557

„nequit. XVII. Christus Dominus ni-
 „hil addidit doctrinæ Dei Patris sui,
 „nec nobis quicquam addere licet.
 „XVIII. pro infirmis nihil præter ora-
 „tionem Dominicam est dicendum.
 „XIX. Ad salutem sufficit, confiteri Chri-
 „stum Dominum tempore debito XX.
 „Opera Dei nostræ rationi sunt contra-
 „ria. XXI. Sola Christi passio est om-
 „nium Peccatorum remissio XXII. Moy-
 „sis Discipuli subjecti erant legi repro-
 „batae, ac perversæ, quæ duntaxat ac-
 „cusabat, & puniebat. XXIII. Illi,
 „qui sub Moysis lege erant, vel sub ea
 „esse petebant, nesciebant, quid pe-
 „tant. XXIV. Deo soli peccata sunt
 „confitenda. XXV. Illi, qui credunt,
 „salvantur. XXVI. Maxima, quam
 „Deo exhibere possumus, gloria est fi-
 „des. XXVII. Charitas nunquam se-
 „paratur a fide. XXVIII. Per fidem
 „omnia bona a Deo recipimus. XXIX.
 „Christus Dominus est Auctor nostræ
 „resurrectionis spiritualis, dum tollit,
 „& delet peccatum, quod sustulit cre-
 „dendo. XXX. Commendo mulieres,
 „omnesque alios, qui Sacrum Codi-
 „cem in vulgari idiomate legunt. XXXI.
 „Melius foret insensatum esse animal,
 „quam hominem, nisi speraretur æter-
 „na felicitas. XXXII. Illi, qui sunt in
 „peccati tenebris, nullum opus bonum
 facere

„facere possunt. XXXIII. Vituperabile Sæcul. XVI.
 „est iudicium hominum, qui juvenes A.C. 1557.
 „ad prædicandum Dei verbum ineptos
 „esse censent. XXXIV, Hic idem Con-
 „cionator, prout referebat Episcopus,
 „admonitus, ut pro more preces pro
 „defunctis fieri suaderet, duntaxat pro
 „viviis orabat.,, XXXV. Idem in Epi-
 „scopos invehebatur, dicens, quod
 „ipforum bonum exemplum sit æque
 „necessarium, ac eorum doctrina.
 „XXXVI. Soli electi, & prædestinati
 „vitam æternam consequi, & Verbum
 „Dei retinere possunt. XXXVII. Sa-
 „lus, & vita æterna a sola Dei cog-
 „nitione dependet. XXXVIII. Accusa-
 „batur idem Prædicator, quod in suis
 „sermonibus nunquam Sanctos Ecclesiæ
 „Doctores, sed Plutarchum, aliosque
 „Auctores paganos alleget. XXXIX.
 „Præcipuus actus divinæ adorationis
 „est invocatio. XL. Prælati Ecclesiæ
 „sunt Pharisei, qui longo tempore
 „Dei Verbum tenuerunt absconditum.
 „XLI. Verbum Dei recipientes Deum
 „nobiscum habemus. XLII. Argue-
 „batur hic idem Prædicator, quod nun-
 „quam Spiritus Sancti gratiam implo-
 „raverit per invocationem B. Virginis
 „Mariæ. XLIII. Idem, dum suos Au-
 „ditores pro obtinenda venia ad peccati
 „dolorem hortabatur, subdole nullam

Sæcul. XVI. „Sacramentalis confessionis mentionem
 A.C. 1557 „fecit. XLIV. Differens de Sacramen-
 „to Eucharistiæ ingessit, quod Deus si-
 „mul in pluribus locis non sit, sed sicut
 „Sol se hominibus communicet, quin
 „cælum relinquat. XLV. Impossibile
 „est, quod Peccator Deum amet. XLVI.
 „Par Magistratibus, ac Deo deferendus
 „est honor. XLVII. In Passione Do-
 „mini nostri Jesu Christi non sunt fun-
 „dendæ lacrimæ. XLVIII. Psalmos in
 „lingua Gallica cantare in Ecclesia per-
 „missum est. XLIX. Idiotæ Sacerdo-
 „tes non possunt absolvere. L. Accu-
 „satur hic Religiosus, quod simul
 „trium, aut quatuor hominum confes-
 „siones exceperit, eosque unica absolu-
 „tione dimiserit. LI. Pœnitentia ex-
 „terior constat tribus partibus, Confes-
 „sione, contritione, & satisfactione. LII.
 „Verbum hoc *Ecclesia Christi* significat
 „omnes electos in mundo. LIII. Maxi-
 „ma, quam Deo reddere possumus, glo-
 „ria est, credere in eum. LIV. Solius
 „Dei, non autem Ministrorum Ecclesiæ
 „est leges condere, & peccata dimit-
 „tere. „

Hæ propositiones variis perfringe-
 bantur censuris, ac earum nonnullæ tan-
 quam hæreticæ, ac Waldensium, Wicle-
 fi, & Lutheri erroribus consonæ da-
 mnabantur, cujusmodi erant secunda,
 quarta,

quarta, octava, decima quinta, trigesi-
 ma, quadragesima, pluresque aliæ: Sæcul. XVI.
A.C. 1557.
 quædam vero notabantur tanquam ca-
 ptiosæ, & ambiguæ, vel sacras Pagi-
 nas in hæreticorum sensu explicantes:
 Aliæ rejiciebantur tanquam schismati-
 cæ, & scandalosæ, quales sunt sexta, se-
 ptima, & undecima &c. Nec minus
 quædam damnabantur tanquam de hæ-
 resi suspectæ, falsæ, erroneæ, quas inter
 erant decima sexta, decima octava, vi-
 gesima sexta, & quadragesima secunda
 &c. Denique nonnullæ proscribegan-
 tur tanquam Blasphemæ, uti erat qua-
 dragesima sexta: circa quinquagesimam
 vero Facultas hanc censuram ferebat:
*Hoc est factum scandalosum, & schismati-
 cum, quo abutitur confessione Sacramen-
 tali, dum plures simul eidem peccata deponunt.*
 Porro Chevillius, cum suas propo-
 sitiones ita prosriptas cerneret, easdem
 explicare nitebatur, unde illas nonni-
 hil temperatas ad Burdegalensem Ar-
 chiepiscopum transmisit, quas tamen hic
 protinus Facultati consignavit, cum ve-
 ro hæc die vigesima tertia Novembris
 conventu habito hæc explanationes ex-
 aminasset, easque minus sufficientes
 cenferet, rursus illas damnabat.